

Festival Arubeno presenta na Venezuela

ORANJESTAD(AAN) — Oficina di Turismo na Caracas y e Direccion di Turismo local, conhuntamente cu Hotel del Lago Interncontinental na Maracaibo, Venezuela, en cooperacion cu Instituto di Cultura a presenta un siman di "Festival Arubeno" na Venezuela.

E delegadonan cu a representa Aruba na e festival menciona na Maracaibo

bo tabata entre otro señor Ronald Heide, Sue-Chef di Aruba Concorde Hotel, e duo Tommy y Francis y Stanley Kuiperi, funcionario di Instituto di Cultura pa presentacion di e obranan di artesanía.

Durante e siman cultural Arubeno na Venezuela, huespednan di e Hotel del Lago Intercontinental na Maracaibo y residentenan Venezolano a obtene e oportunidad pa saborea

platonan netamente Arubano prepara pa Ronald Heide bao entretenimiento musical di e duo Tommy y Francis, kendenan a

anima e almuerzo y cena cu cancionnan popular ritmo tumba, calypso, etc. mientras cu e bishitante nan na e Festival Arubeno por a admira e diferente obranan di man, na e stand cu Stanley Kuiperi.

E presentacion den aire

libre ariba menciona a resulta den un exito rotundo y no por keda sin expresa palabranan di agradecimiento na Hotel del Lago Intercontinental,

Oficina di Turismo di Aruba na Caracas, señor Mario Croes, compania di aviacion "VIASA", prensa di Maracaibo y Nacional Venezolano, Direccion di

Turismo Local, Instituto di Cultura y tur esnan cu di un of otro manera a contribui pa presentacion di e obranan na e stand di artesanía: esta Funda-

cion Artesania Arubano, señor Jossy Tromp, Angelica Kelkboom, Harold Bronswinkel, señor y señora Shippers, Mena

Kock, Luis Arenis, Zuster Hedwig, Maria Christiaans, Juan Henriquez, Mateo Hayde y Fundacion Barica Geel.

"Festival" Arubeno" a resulta e centro di atraccion durante e siman di 14 te cu 18 di Maart ultimo na Maracaibo, Venezuela, promoviendo di e forma aki e pais, perla den mar Caribe Aruba.

Comision juventud 85 lo organisa caminda di Cruz pa Alto Vista

ORANJESTAD(AAN) — Ariba peticion di varios fielnan, Comision Juventud '85 lo organisa e caminda di cruz pa Alto Vista, Diabierna Santo dia 1 di April. Ta intencion cu na momento cu e diferente pregrinacionnan yega na e veld di deporte cu ta keda na e pia di e cerro di Alto Vista, cu lo inicia cu un caminda di cruz.

Esnan cu pa un otro motibo no por participa na e peregrinacionnan ta ser

suplica pa ta presente pa 6'or di mainta, e ora cu ta ser spera cu e diferente pregrinacionnan lo yega na e veld ariba menciona.

For di eynan lo cuminsa cu e caminda di cruz dirigi pa diferente religionan di Aruba.

Aña pasa un cantidad grandi di jovennan y hendenan grandi a asisti na e ceremonia y ta ser spera cu esun di e aña aki lo surpasa esun di aña pasa.

Peregrinacion di Tanki Leendert pa Alto Vista

ORANJESTAD(AAN) — Diabierna Santo lo tuma lugar e acostumbrado peregrinacion for di cas di Atan Lee, Catiri, Tanki Leendert, pa Kapel di Alto Vista, cuminsando pa un cuarto pa cinco di marduga.

Na tur e personanan cu lo tuma parti ta ser pidi pa trece cu nan boternan di bela mia yena, ya cu e aña

aki lo no ser reparti na salida. Tambe por trece "flash light" chikito cu ta yuda ilumina e peregrinacion, alavez e por ser una na momento di cantamento.

Ta di spera cu hopi hende lo tuma parti, manifestando amor y respet na esun cu ta recorda su sufrimento y morto na cruz esta Cristo Jesus.

Celebracion di siman di secretaria

ORANJESTAD(AAN) — Manera cu den añanan anterior, Asociacion di Secretarianan di Aruba lo conmemora siman di Secretaria e aña aki for di dia 22 pa 30 di April proximo.

Motibo pakico siman di secretaria ta worde observada: 1. Pa recorda e secretarianan ariba nan responsabilidad pa cu nan profesion.

2. Como reconocimiento na e secretarianan pa nan papel di vital importancia den industria, comercio, educacion, gobierno, organizacion y otro profesionnan ariba e pais.

E meta di e asociacion

ta pa eleva e profesion di e secretarianan den ramo di education.

Cu oruyo mester bisa cu dia 22 di April 1988 Asociacion di Secretarianan di Aruba lo celebra nan di tercer lustro durante un cocktail party den e luhoso Aruba Concorde Hotel.

Dia di Secretaria lo worde celebra den Aruba Concorde Hotel y ariba e dia aki un "Buffet Luncheon" lo worde sirbi durante cual e "Soty" (Secretaria di aña) y "Boty" (Hefe di aña) lo keda eligi. E ora lota di 12'or pa 2'or di atardi

Lo bay tin basta sorpresa y e dia aki ta habri pa tur secretarianan y nan hefenan ariba e pais.

Dialuna dia 25 di April lo tin un anochi educativo, cual lo tuma lugar den Aruba Concorde Hotel di 7'30 pa 10'or p.m. E dia aki tambe ta habri pa tur secretarianan y oficinistanan ariba Aruba.

Mirando e interes di Secretarianan no miembro pa atende e actividadnan y alavez asocia nan mes na e organizacion, por tuma contacto cu Sra. Carla Paris tel: 33550.



Miembronan di e directiva di APLA (Antillean Public Library Association) consistiendo di Roy Colastica, presidente, Olivia Figaroa, vice presidente, Felicia Thomas, Tesorera Marvis Amerikaaan, secretario a reuni cu Ministro di Bienestar General, mr. Mito Croes y tambe cerca Su Excelencia, Gobernador interino, mr. Maximo Croes. Esaki enconexon cu e preparacionnan necesario pa e workshop cu lo ser teni na Aruba durante e dianan 22 y 23 di Juni 1988. Pa yega na formulacion di e diferente temanan di discusion durante workshop ariba menciona lo tene un reunion general di directiva dia 24 y Diabierna 25 di Maart proximo. E miembronan menciona ta haci uso di e oportunidad actual durante nan estadia cortico na Aruba pa cera conoci cu instancianan oficial y di e manera aki introduci e organo na e comunidad Arubano.

TA BENDE

un CAS riba 397 m2, eigendomsgrond, consistiendo di 2 dormitorio, 1 baño, 1 toilet, sala, comedor, porch, washok y garage.
Situa na Watapanagezaag no. 40.
Interesadonan por haci nan oferta na
Travelers Life Insurance Co.
Pa mas inf. tuma contacto cu Sra. Bronswinkel
na telefoon 27374.
Prome cu dia 30 di maart 1988.